



Broj: 01-50-4-141-27/21

Sarajevo, 24. 3. 2021.

ČLANU

PRIVREMENE ISTRAŽNE KOMISIJE PREDSTAVNIČKOG DOMA PARLAMENTARNE SKUPŠTINE BiH ZA UTVRĐIVANJE STANJA U PRAVOSUDNIM INSTITUCIJAMA BiH

**Damiru Arnautu, Zukanu Helezu, Mirjani Marinković-Lepić, Zlatanu Begiću, Almi Čolo,
Draganu Mektiću, Branislavu Borenoviću i Miri Pekić**

Na osnovu člana 35. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15, 97/15, 78/19 i 26/20), zaključka s 2. hitne sjednice Predstavničkog doma o formiranju Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama BiH, održane 14. 6. i 26. 6. 2019, i zaključka o potvrđivanju imenovanja članova Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama BiH, usvojenog na 8. sjednici Predstavničkog doma, održanoj 15. 5, 19. 5. i 20. 5. 2020, sazivam **27. sjednicu Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama BiH (u daljnjem tekstu: Privremena istražna komisija).**

Sjednica će biti održana **u ponedjeljak, 29. 3. 2021**, u zgradi Parlamentarne skupštine BiH, u **Plavoj sali IV. sprat, s početkom u 14 sati.**

Za sjednicu predlažem sljedeći

DNEVNI RED

1. Usvajanje Zapisnika 25. i 26. sjednice
2. Saslušanja svjedoka:
 - Hamdija Muratović - predsjednik Udruženja steč.uprav. FBiH
 - Sakib Kopic - predsjednik Sindikata solidarnosti Tuzla
 - Enes Tanović - potpredsjednik Sindikata solidarnosti Tuzla
3. Tekuća pitanja.

Pozivamo Vas da sjednici obavezno prisustvujete.

U slučaju potrebe, možete kontaktirati sekretare Privremene istražne komisije Igora Bajića ili Sonju Abdulovski na broj telefona: 033 286 068 ili na e-mail adresu: igor.bajic@parlament.ba ili sonja.abdulovski@parlament.ba.

S poštovanjem,

**Predsjedavajući Privremene istražne komisije
Damir Arnaut v.r.**

Dostaviti:

- naslovu
- a/a



Broj: 01-50-4-141-27/21

Sarajevo, 29. 3. 2021.

Na osnovu člana 188. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15, 97/15, 78/19 i 26/20), Privremena istražna komisija Predstavničkog doma Parlamentarne skupštine Bosne i Hercegovine za utvrđivanje stanja u pravosudnim institucijama Bosne i Hercegovine (u daljnjem tekstu: Privremena istražna komisija) na 27. sjednici, održanoj 29. 3. 2021, jednoglasno je usvojila sljedeće

ZAKLJUČKE

Privremena istražna komisija zadužuje predsjedavajućeg ove komisije da uputi urgencije svim osobama i institucijama koje nisu uopće ili u cijelosti postupile po ranijim zaključcima ili zahtjevima Privremene istražne komisije.

Privremena istražna komisija zadužuje predsjedavajućeg ove komisije da dostavi upite svjedocima koji su se pojavili pred Privremenom istražnom komisijom s ciljem klarifikacija ili pribavljanja dodatnih informacija vezanih za njihova svjedočenja, a na vlastitu ili na inicijativu bilo kojeg drugog člana Privremene istražne komisije.

PREDSJEDAVAJUĆI
PRIVREMENE ISTRAŽNE KOMISIJE
Damir Arnaut

Dostaviti:

-naslovu

-a/a



Broj: 01-50-4-141-27/21

Sarajevo, 29. 3. 2021.

VISOKO SUDSKO I TUŽILAČKO VIJEĆE BOSNE I HERCEGOVINE

Na osnovu člana 10. stav (1) tačka b) Zakona o parlamentarnom nadzoru („Službeni glasnik BiH”, broj 25/18), člana 188. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15, 97/15, 78/19 i 26/20) i člana 3. stav (2) tačka e) Poslovnika Privremene istražne komisije Predstavničkog doma Parlamentarne skupštine Bosne i Hercegovine za utvrđivanje stanja u pravosudnim institucijama Bosne i Hercegovine, Privremena istražna komisija Predstavničkog doma Parlamentarne skupštine Bosne i Hercegovine za utvrđivanje stanja u pravosudnim institucijama Bosne i Hercegovine (u daljnjem tekstu: Privremena istražna komisija) na 27. sjednici, održanoj 29. 3. 2021, jednoglasno je usvojila sljedeći

ZAKLJUČAK

Privremena istražna komisija traži od Visokog sudskog i tužilačkog vijeća Bosne i Hercegovine i drugih nadležnih institucija da joj dostavi podatke o svim stečajnim postupcima u preduzećima u kojima država ima udio u vlasništvu, zatim o dužini trajanja postupaka, podatke o stečajnim upravicima, njihovoj stručnoj spremi kao i visini naknada i nagrada na osnovu provedenih stečajnih postupaka, te imena postupajućih tužilaca, sudija i vještaka u stečajnim postupcima.

PREDSJEDAVAJUĆI
PRIVREMENE ISTRAŽNE KOMISIJE
Damir Arnaut

Dostaviti:

- naslovu
- a/a



Broj: 01-50-4-141-27/21

Sarajevo, 29. 3. 2021.

**VISOKO SUDSKO I TUŽILA KO VIJE E
BOSNE I HERCEGOVINE
URED DISCIPLINSKOG TUŽIOCA**

Na osnovu člana 188. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15, 97/15, 78/19 i 26/20), Privremena istražna komisija Predstavničkog doma Parlamentarne skupštine Bosne i Hercegovine za utvrđivanje stanja u pravosuđnim institucijama Bosne i Hercegovine (u daljnjem tekstu: Privremena istražna komisija) na 27. sjednici, održanoj 29. 3. 2021, u okviru tačke „Tekuće pitanja“, nakon što je razmatrala predstavku jednog građanina, jednoglasno je usvojila sljedeće:

ZAKLJUČAK

Privremena istražna komisija odlučila je da se zaprimljena predstavka jednog građanina uputi Uredu disciplinskog tužioca Visokog sudskog i tužilačkog vijeća Bosne i Hercegovine na daljnje postupanje.

**PREDSJEDAVAJUĆI
PRIVREMENE ISTRAŽNE KOMISIJE
Damir Arnaut**

Dostaviti:

-naslovu

-a/a



Broj: 01-50-4- 141-27/21

Sarajevo, 29. 3. 2021.

Z A P I S N I K

27. sjednice Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama BiH

Sjednica Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine (u daljnjem tekstu: Komisija) održana je 29. 3. 2021, s početkom u 14.00 sati.

Sjednici su prisustvovali članovi Komisije: Damir Arnaut, Dragan Mektić, Branislav Borenović, Mira Pečić i Zlatan Begić.

Sjednici iz opravdanih razloga nisu prisustvovali: Alma Čolo, Zukan Helez i Mirjana Marinković-Lepić.

Sjednici su, također, prisustvovali: Zlatko Vukmirović iz Sektora za odnose s javnošću, Sonja Abdulovski, sekretar Komisije, te predstavnici medija.

Komisija je jednoglasno usvojila sljedeći

DNEVNI RED

1. Usvajanje zapisnika 25. i 26. sjednice;
2. Saslušanja svjedoka:
 - Hamdije Muratovića, predsjednika Udruženja stečajnih upravnika FBiH,
 - Sakiba Kopića, predsjednika Sindikata solidarnosti Tuzla,
 - Enesa Tanovića, potpredsjednika Sindikata solidarnosti Tuzla.
3. Tekuća pitanja.

Ad. 1. Usvajanje zapisnika 25. i 26. sjednice

Zapisnici 25. i 26. sjednice usvojeni su jednoglasno, bez primjedbi.

Ad. 2. Saslušanje svjedoka Hamdije Muratovića, predsjednika Udruženja stečajnih upravnika FBiH, Sakiba Kopića, predsjednika Sindikata solidarnosti Tuzla, i Enesa Tanovića, potpredsjednika Sindikata solidarnosti Tuzla

Na 27. sjednici Komisije obavljena su saslušanja predsjednika Udruženja stečajnih upravnika Federacije BiH Hamdije Muratovića, te predsjednika i potpredsjednika Sindikata solidarnosti Tuzla Sakiba Kopića, odnosno Enesa Tanovića.

U svom predstavljanju i odgovarajući članovima na postavljena pitanja, svjedoci su, uz podnošenje obimne dokumentacije, govorili o mahinacijama u stečajnim postupcima za koje tvrde da predstavljaju korupciju koja po obimu prevazilazi korupciju u oblasti privatizacije i na osnovu koje je dodatno devastirana privreda Bosne i Hercegovine. U tim postupcima posebno je istaknuta uloga stečajnih upravnika, od kojih mnogi, uprkos nedostatku stručnosti, vode veliki broj stečajnih postupaka, te u sprezi s pravosudnim organima stvaraju pukotine u sistemu kroz koji se odlijevaju milijarde maraka. Tokom svjedočenja istaknuto je, također, da mnogi stečajni upravnici primaju od jedne do tri prosječne naknade mjesečno.

Tokom svjedočenja predstavnika Sindikata solidarnosti posebno je apostrofirana slučaj promjene vlasništva Hotela Stella u Neumu na osnovu koje su privatni dioničari, za sada, ostali bez vlasničkog udjela u visini 4,4 miliona KM. Tokom svjedočenja o sudskim postupcima za hotele u Neumu i Tuzli, kao i firme "Polihem", navedeni su primjeri izvršnih sudskih presuda u korist radnika koje se ne realiziraju već godinama.

Komisija je nakon rasprave u kojoj su učestvovali svi članovi, na prijedlog Branislava Borenovića, jednoglasno usvojila sljedeći zaključak:

- Privremena istražna komisija traži od Visokog sudskog i tužilačkog vijeća Bosne i Hercegovine i drugih nadležnih institucija da joj dostave podatke o svim stečajnim postupcima u preduzećima u kojima država ima udio u vlasništvu, zatim o dužini trajanja postupaka, podatke o stečajnim upravicima, njihovoj stručnoj spremi kao i visini naknada i nagrada na osnovu provedenih stečajnih postupaka, te imena postupajućih tužilaca, sudija i vještaka u stečajnim postupcima.

Saslušanje svjedoka u cijelosti je sadržano u neautoriziranom transkriptu tonskog zapisa sjednice koji je sastavni dio ovog zapisnika.

Ad. 3. Tekuća pitanja

U okviru ove tačke dnevnog reda, na prijedlog predsjedavajućeg Komisije, jednoglasno su usvojeni sljedeći zaključci:

- Privremena istražna komisija zadužuje predsjedavajućeg ove komisije da uputi urgencije svim osobama i institucijama koje nisu uopće ili u cijelosti postupile po ranijim zaključcima ili zahtjevima Privremene istražne komisije.
- Privremena istražna komisija zadužuje predsjedavajućeg ove komisije da dostavi upite svjedocima koji su se pojavili pred Privremenom istražnom komisijom s ciljem klarifikacija ili pribavljanja dodatnih informacija vezanih za njihova svjedočenja, a na vlastitu ili na inicijativu bilo kojeg drugog člana Privremene istražne komisije.

U okviru ove tačke dnevnog reda razmatrana je i predstavka jednog građanina, koja je dostavljena Komisiji.

Nakon kraće rasprave, jednoglasno je usvojen sljedeći zaključak:

- Privremena istražna komisija odlučila je da se zaprimljena predstavka jednog građanina uputi Uredu disciplinskog tužioca Visokog sudskog i tužilačkog vijeća Bosne i Hercegovine na daljnje postupanje.

Sjednica Komisije završena je u 15.30 sati.

Sekretar
Privremene istražne komisije

Sonja Abdulovski

Predsjedavajući
Privremene istražne komisije

Damir Arnaut